

張氏族譜

四川隆昌界市八石棧

公元二〇〇八年十月翻印

民國十四年吉月

張氏族譜

隆邑北門啟昌石印館代印



目錄

族譜序

祭王家地祖墳祝文

新祠條規

新祠世系

應星世系

榮隆鄉世系 破堰支在內

椽子橋世系

碑銘

墳墓圖

爾玉公遺訓

族譜義例

正尊卑善法

汪家琪世系

葛藤灣世系 附徐家橋世系

各支家傳

椽子橋家傳

新祠雜記

跋

張氏族譜序

道與時為變通理問心難泯滅故無論世變若何政變若何社會趨向若何而人生仁孝友愛之心對於祖考族屬則勃發而不可遏無他根於性天發於自然雖時勢有變通而此心此理終不可沒也譜牒之設唐以前同國史唐以後屬家乘似稍變矣而敬宗收族之道何嘗變耶今世尚大同同姓尤必聯宗似又稍變矣而各族因世道變遷兵匪滋害集族續譜者所在皆是必使支分派別源流不紊是敬宗收族之道不過擴而充之耳亦何嘗舍本齊末變而加厲耶煥文在繇親閱繇屬張氏族牒載自唐節度公蒞蜀迄南宋魏公與其子南軒公墓兆在繇傳至明之末葉有可達可述二名其時我十一世祖亦係可字派而名亦取走之相符若此不知我先祖究與渠族係同支否先年地隔不通可慨也夫查清道光時懋倫公所編譜云我張氏自明初伏三公從軍平夏留鎮重慶漢臣公率弟奉母落業榮地後撥入隆明季避難黔疆清時回故土諸公先後不一居處亦不一且舊譜殘缺更無由叙及宗支惟嘉道時漢州懷泗公等約聯譜牒固以我新祠與漢州原為本支而懷泗公之高祖即由隆遷漢者所以譜宜

宜聯也我新祠雖因地遠人繁自成一譜然譜異而登載之名冊實同親者固不失其為親也
其於漢臣公之子孫五世僅知本祖名諱而於旁支或漢臣公弟之後概付缺如故榮隆兩邑
族屬漢臣公後者多未聯合至居遠地或為漢臣公弟後者將何由而合之耶近年始知漢臣
公之子本非敏祖一人而為漢臣公弟之後者尤多族繁譜缺皆有修譜之心且皆有仿漢州
懷泗公聯譜之心我新祠更聚族而謀者屢矣或因匪擾或因外遊將修而中止者數四十年
春衆見兵匪稍息僉謂失此不修將無續修之日亦恐無續修之人老成凋謝繼起未來其編
修則咸責在秀汪家埧榮隆鄉林教祠老祠櫟子橋各支各房即派代表謁我新祠亦謂聯譜
之談可成事實故我祠續譜為不可緩矣而聯譜總纂之責亦共推秀矣秀自維譎陋曷克勝
此繼而思之名山壇玷古之人原聽遭逢我族之能文者皆出而從政不可強以楮墨之勞其
處者惟秀一人豈可堅辭族衆共屬之責且修譜所以收族收族即所以敬宗此心既發何敢
矯情而為不恭之辭也爰取舊譜及漢州新譜玩索而參考之稍變我祠舊譜成例竟做漢州
譜牒世系五世一圖而各房又分別標明易於察識其各房各支開未丁冊亦照此例編之仍

書明某房某支世系圖覺分看合看燦若列眉然至應王應星二公後嗣有聯之者有未聯者
聯者則編成一律未聯者則照舊譜書之以其自有新譜故也秀何敢失前人親親之義何敢
獲舍本齊末之愆哉且有一長足錄一事可取者亦照舊例為立小傳以示後世惟檬子橋一
支其家傳則照未冊登載蓋傳以紀實必知之而後能傳之也吾知自茲以往按譜以求者即
稍識之皆無知某房某支親疏不紊將見親者不矢其為親即疏者亦知同出一源服盡而情不
盡斷不至視為路人而相親相愛之心亦且油然而生矣持此意以聯宗聯族大同之氣象又何
難與時勢相合哉十年秋榮成質之煥文拱宸鏡堂詠裳凡族屬宦遊者詳加校閱又易幾星
霜十四年始付印刷是役也任采訪者則有師程鍾順榮隆仁棟培相培國鍾慈鍾菁鍾詳榮
隆鄉編輯則屬鍾璠檬子橋編輯則屬久模而鍾岱鍾林則先後總理新祠事務云

十四年陰曆九月吉日

裔孫貢才鍾秀敬撰

新祠續修族譜序

我祠之譜創修久矣目前存在之人無一有登錄於舊譜者再不續修恐數傳之後不能清其

房族茲特聚族而謀續修凡各支各派載在一處一無遺漏二不混淆以便後人閱之一目了然此所謂創之於前補之於後相傳久遠又叙又補聖人云雖百世可知也

十年陰曆三月穀旦

培初謹識 時年八十

八石擢張氏族譜原序

吾家自明李兵變舊譜失遺樂義公由黔歸里爾玉公得諸遺編縑緙再造茲譜之修承公志也約計有明自輝斗公等文字輩以上至伏三公凡十一世 國朝自虔約公應字輩而下至鍾字輩凡九世世愈遠派愈繁明清兩朝內外人口合計之一千五百有奇間或有問及某祖為某祖之祖而不知者問及某房為某祖之孫而不知者譜顧不重乎哉今年春淑人公在祠協議環坡兩房按戶捐贖刻譜諸仲叔欣然樂從爰纂序編次前十世仿朱子直書子隨父後又於文字輩以下分三十世仿蘇氏逐房疊派瓜瓞緜緜有條不紊可以一月了然矣敢急付之梨棗以示來茲

叙五懋倫敬撰

八石糧張氏族譜原序

古者國有史家有譜史記得失譜分異同所以尊祖而敬宗敬宗而睦族也是故漢者萃之離者合之而瓜瓞殊本薰蕕異具者則嚴辨而不錄焉余先世遭明季寇亂避居遵義十八年迨海宇昇平康熙四年始回故土尋先人敝廬於荆棘之中驅狐狸而居之於斯時也亦岌岌乎始哉越數十年爾玉公承先世傳說將應字輩以上世系著於遺訓此可不復贅也迄今又百餘年支派愈多子孫愈遠伯仲叔季欲由合求分要遠於邇著之譜以明世系誠親親之道也先世樂義公輩兄弟六人長房虔約應樞虔一天酬次房醒義應翼應玄即樂義公吾高祖也三房則虔佐公應玉連義公應星是而天酬公早卒弟兄五人避難偕逃遵義人懷童梓等膝散居後回川應樞公居瀘州大水壩雍正時始回壑業童田鋪玉星二公一落業於漢州后營一落業於汪家埧獨樂義公弟兄回故土墾業而食由是應樞生志慧志良志道醒義公生志明志順吾曾祖生志斌公虔佐公生志賢志堯志達志仁連義公生志聖志唐志虞志程奇瑞等志字輩下則單名矣長房則有鼇元泰洪溥拱六人焉我祖二房則有欽錢鑑鐸銘五人焉

三房則有三十六人矣單名以下邦字輩則一百十人邦字下為懷字而人益多有二百五十
二人焉可見支派繁衍非譜何以理其緒而分之非譜更何以比其類而合之先世隆漢兩居
嘗相往來懷字而上志字而下得鈔其譜畧為嗟乎子孫之身其先一人之身也愈傳愈分分
者無窮而未嘗二也子孫之世其先一人之世也愈傳愈遠遠者無已而未嘗往也茲譜之著
也即其分以求合能合乃能分即其通以要遠惟通乃可遠耳由是而尊祖由是而敬宗由是
而睦族庶幾哉本源不紊脈絡可尋即延諸千百世而纒承勿替者皆可憬然於此日之敦倫
重本先民是若古訓是式也哉

道光十四年仲秋月上浣

淑人懷德謹識

爾玉公遺訓

余生亂流之後父傳先世係江西太和縣鷺江大邱人也元末伏三公與兄伏一伏二徙居湖廣麻城縣孝感鄉明初伏三公隨大將軍湯和半夏留鎮重慶遂家於榮昌縣境但公宅墓世系前後失傳惟云公於七里場接壤建福堂即今所呼張佛山廟是也隆慶二年分榮富內瀘四州縣地設立隆昌撥足地隸隆故又為隆昌人又云先世維坪公漢臣與弟漢詒漢傑漢武漢鼎奉其母移家榮昌至此釜鳴飯覆欣然曰神示我食茲土也遂定居公生子敏妣余氏敏生庠生本欽妣黃氏本欽生庠生守堅妣朱氏守堅生永宗妣周氏永宗生康膳生才妣余氏才生松亭公崇道妣羅氏陳氏家益饒歲輸糧八十八石故里人名其地為八石糧公之弟有崇明崇化明之孫文揚曾孫應帝松亭公生明川可達妣王即吾曾祖也次洞溪可進妣趙洞溪生文炳文煥庠生文燦是文遷居合江水流溪我曾祖明川公生庠生輝斗公文環妣周即吾伯祖也吾祖曉三公諱文玻次之妣丁氏王氏叔祖珩玖公諱文碧妣胡氏又次之而三大支分焉環生虔佐諱應樞妣汪庠生虔一天酬吾祖生伯父醒義公諱應翼妣胡氏曾氏吾父

樂義公諱應玄妣徐氏珩玖生處佐公應王妣喻連義公應星妣胡適當明季國變流賊入川
甲申秋陷成都分道屠戮吾族人被害者不下千餘吾祖弟兄早卒醒義樂義公等幸神靈指
導因金環告變急逃遵義人懷等處散而居之十數年公等由遵義還至瀘州柑子堪被劫又
因土寇未平連年荒疫遂居柑子堪五年至康熙初海宇昇平始回故土蓋幾二十年矣其辛
楚可勝言哉且是時荒榛蔓草如入無人之境公弟兄仍散處近地惟吾父以先人邱墓所在
獨於大屋結茅屋墾土而居者五年醒義公始回故地同居余生也晚幸遇清平得免先世九
死一生之難又幸先人默佑得縣一綫之延今特將先代世系源流及轉移事蹟著明於冊交
爾弟兄日後務敦友愛篤本根庶不負前人流離轉徙不忘桑梓之苦心耳

康熙四十三年三月十五日書於世德堂

大抵前人生大難削平之候景運維新之時其深思遠慮必有大過人者今讀公遺訓其歷
叙前代世系源流縷縷絲絲有條不紊一綫到底直如一筆書且述前人坎坷歷歷如繪其
大旨望後人耕田以求食讀書以求名倉廩實知禮節無忘締造之艱云爾

玄孫懋倫恭錄遺訓畢附此

裔孫鍾秀又按漢州譜載邦仲公官固始時有漢陽族人名瑩者持其先中憲仲瑛公所修譜載伊係伏二公後而於伏三名下注入川字與遺訓符又載懷泗公云余官宛平時偶與刑部郎瀘州張潤論及前代支派渠云本張伏三後舊居隆昌八石糧後徙瀘州家焉其言從湯東甌定蜀留鎮重慶亦同其他不甚了了然則遺訓之確鑿詳明誠足以繼往世詔來茲也而我族之散處者僅知明初入川大畧而於明清鼎革流離轉徙之故並世系源流不能詳悉大抵如是良可慨也我族倘非有此遺訓後嗣雖賢安知不僅聞大概如散處者乎後之人宜若何拱壁視之也

重建松亭公墓坊落成祭文

墓在王家地有數穴皆公孫曾故曰松亭公墓

開芳銘撰

張氏之初跡耗西陵有元之末轉徙麻城金鷲啟宇遷自大明山川靈秀代產其英青衿食餼瓜瓞連榮迄乎我祖易耨深耕倉箱告慶府庫充盈作廟翼翼神兮有憑四原式廓棟宇崢嶸承糧近百里錫嘉名仰維我祖富莫與京鬼神阿護蟄蟄繩繩鼎革互易惟明與清噫嘻應

祖運際元貞流賊陷蜀告急惟神昆季有五接浙偕行遵義避處十有餘春倉皇戎馬折翼樞
昆永清大定復業鄉鄰連年荒疫星玉飛騰翼玄二祖桑梓是親披荆斬草載奉高瑩春秋幾
度先後歸陰祔於公墓左右高曾多歷年所石泐且傾玄孫伯仲筮吉聿更老老幼幼罔不虔
誠鳩工伐石聿觀厥成豐碑屹屹露台縱橫迺刊世系迺列雲初奠以少牢想像元精乞先靈
之眷顧令而後克昌厥後俾億萬年子子孫孫

聞公篤孝思勤宗政清時宗祠家廟皆公手創而尤加意於先世墳墓我族有明先世墓多
失考公始四處察訪不惟留意近處聞四季山有祖墓即屢至其地觀察徘徊者久之然自
公時勤察訪迄我高祖輯氏公亦嘗往各處探察惜無碑記荒塚累累雖視之若無睹蓋經
大亂後世遠年湮故迷其迹也且樂義公輩雖慶生還翦榛芟蔓服徭役之不遑何怪豐碑
無存亦無由重建也公神傷往昔計開未茲亟亟重建此碑讀其遺文猶令人仁孝誠敬之
心油然而生其用意殆深且遠哉

後裔鍾秀謹錄祭文畢附此

張氏族譜義例

一族譜與志乘畧同皆傳信不傳疑也今仿蘇氏譜法以伏三公為入川遠祖以漢臣公為落業始祖蓋取其信而有徵耳

一修譜格式不一各有取義茲照漢州譜式仿歐陽文忠公五世一圖便於考察而畧易舊譜非敢云變格也亦從長焉耳

一舊譜敏祖以下五世單傳今會各支聯譜則敏祖之旁支頗多而仍其舊各支亦就來冊登載無他不敢自我作古也其餘世系亦敬謹依式成圖缺者仍之即或有此時考得者亦謹加按語以識之不敢臆斷也

一族中有科第官階者錄於本人名下左方生監職銜亦然不另彙錄

一舊譜各房各人生沒年月及墓兆宅第彙叙成篇茲因聯譜世系圖多篇幅過繁不便攜帶故生沒年月墓兆亦錄於本名左方舊譜已載及採訪得者照錄其未採得者缺之非故意棄取也閱者諒之

一妣氏概錄於本名之下不敢或漏惟女子未錄亦限於篇隘故也

一族中子弟出繼與伯叔為嗣本生父下不得再注重宗祧也其有兼祧者則雙方注明

一族中有撫養異姓之子為子者仍照舊譜例不登載社亂宗也其有舊時無知或因家貧缺

食過繼外人者若能還宗亦登載譜中廣嗣續也

一族中有乏嗣者均屬祖宗遺體不幸繼體無人數傳而後恐誤認為他人之墓而鄙夷之故

登諸世系使族眾咸知墓所不致為野塚

一族中婦人夫故守節者宜在闡揚之例其有年例已符而力不能請旌者亦載明撫孤守節

字樣以維風化至母出與廟絕古今通例也故載氏不載姓

一族中有品行端方文學成名及貞孝節烈等類若僅於世系圖中載之則礙於篇頁太小難

以詳記今本採訪所列及見聞所及者另立家傳或墓銘以誌顛末以勵來茲其或有不知

者則無從立傳非故遺之也

一修譜合族須有根據即或稍有殘缺亦必有符驗處斯不致貽攀援貴顯之譏

一舊譜於文碧公後嗣一律詳列茲雖有聯者有未聯者然聯者固一律登載即未聯者亦照舊譜例書之有其舉之莫敢廢也

一此次聯譜族之人各支情況不同遠近不一故聯者固屬不少其未聯者尚不乏人因其難以劃一不敢強也

一世系圖稍有變例如樣子橋支因其明時本祖名諱未能詳記雖從伏一伏二伏三諸公起中有間斷不便成圖惟就接續者圖之故其第一圖與各支各房之第二圖等其第二圖與各支各房之第三圖等餘類推

一譜中仍照舊譜載祠廟祖墓及雜記數篇以便子孫世守

一族中支派既多又所居遠近不一故字輩多有不同猶幸字輩雖異而尊卑概未紊亂茲經衆決議從榮字輩起皆須一律照邦伸公所擬字樣命名無論澤字輩之子義字輩之子昌字輩之子皆已易為榮字輩

新祠公議條規

一祠中立族長一名總理一名各房房長各一名不拘年限善則久任否則立換無論尊卑長幼總以本祠子孫公正有才者當之凡族人有口角微嫌先投族長或房長理明不可動輒興訟如理說不下方許揭告違則眾斥之其總理則經營招佃輸差及銀錢租穀務須每年當眾注明簿局算清如有侵蝕立即更換追陪

一每年報值年每房各一名佐總理備辦祭祀事宜及招佃議租並張家廟止凡然燈等事每年依次輪報不得有爭當及謗誤等情違者斥

一每年祭期及帥掃祖塋祠內子孫務須齊整衣冠以昭嚴敬毋得喧譁鬧擾以卑凌尊以長欺幼打牌擲骰恃酒放橫不由理說如違即於祖宗堂上家法處治仍睚眦抗拒族眾稟官究治

一族中子弟有隨母下堂及因貧困為外人收養者準其還宗來祠祭祀至於族人私抱異姓之子或隨母下堂來言及抱胎者永不準入祠祭祀以免紊亂宗支違者逐出祠

一祠內子孫衆多務要守分安常切不可在外遊蕩結交匪人身帶禁物並不得見尊長踞坐不起言語抵觸等情如有犯者憑衆喚祠重懲如再不受約束協同送官處究

一族中子弟有入高小校者祠內每年給筆墨錢叁釧入中校及與中校同等者每年給筆墨錢陸釧入國立大校及與大校同等者每年津貼洋銀肆圓出由西洋留學大校者每年津貼銀陸圓以祈造就人材光寵一族

此條因從前有入學中舉會進者各給獎貲若干今科舉已廢故變而通之

一祠內老弱孤貧死無葬地者議給安埋錢壹釧並許其葬祠內之地各處餘堪富者不在例

一祠內係妥慰先靈之所理宜肅靜祠內子孫概不準搬入住居看司亦不得暗招異姓無賴之人並族中無賴子弟聚賭吸煙及一切不法之事如經查覺立即另招至於看司及附近佃戶所管祠內桌凳及各器具或材料等件俱要開單貼壁以便稽查如有遺失扣除看司佃戶穩錢不得異言

以上各條皆由先世議定祠內遵行已久茲因續譜謹照錄之以示後來仍當遵行勿替云

聯譜族衆集議決定正尊卑善法

我族命名字輩自清時單名後各支各房不歸一律有以邦懷為字輩者有以仕于為字輩者甚有邦懷仕于俱不用而另取名者其實則尊卑未嘗或紊又經漢州邦伸公擬定二十字取五行相生生生不已之義本甚善也然懷于以後有遵此以懋照培鍾澤為字輩亦有仍前所擬以學師宗仁義為字輩者故字輩多不同如此今經衆決議在前之名外人傳聞已久不便更改以後如義字輩昌字輩之子係與澤字輩之子一輩統改為榮字輩榮字輩後概照邦伸公所擬榮字後依次為命名之字輩不得妄改特錄邦伸公所擬二十字如左

懋照培鍾澤榮輝墉錦源

棟焜增錫汝植焯堪鈞藩